



12. august 2011

UKA 2011/54

Inatsisartut suleriaasianni § 36 naapertorlugu oqallisissiasatut siunnersuut imaattoq matumuuna saqqummiuppara:

Ukiuni 30-ni kingullerni inuiaqatigiinni imigassamik atuineq malunnaateqarluartumik appariartorpoq, naak imigassamik atuinerup sunniutipilui inuiaqatigiinni malugineqarsinnaagaluartut. Siunissami imigassartortorneq pillugu qanoq iliuuseqassaagut? Uani eqqarsaatigineqarput imigassartortorneq milliartuaaginnarneranik ingerlaavartitsisinnaasunik naalackersuinikkut iliuusissat, siunnersuutillu tuniniaasarnermi killissarititaasut eqaannerulersinneqarnissaanut tunngasut.

(Inatsisartuni ilaasortat, Storm Ludvigsen, Inuit Ataqatigiit kiisalu Andreas Uldum, Demokraatit)

Tunngavilersuut:

Ullormiit imigassamik sassaallersinnaaneq tuniniaasinnaanerlu matusineq suli sumiiffinni assigiinngitsuni atugaraarput. Tamannalu pikkajuttarpoq pisut sakkortuut pigaangata, tamaanneratalu kingunerisaanik Naalackersuisut iliuuseqartarput.

Matusigallartarnerit tamakku kisitsisitigut takussutissaqarluartarput. Apeqqutaavorli imigassamik tuniniaanerup mattunneqartarnera naammaginarnersoq, imaluunniit ilumut tamanna aqutissaanersoq. Imaangilarmi ersiutinik aaqiiniaaginnarnata tunngaviusunik aaqqiisussaannngitsugut. Maanna iliuuserineqartartoq, tassa illoqarfinni ataasiakkaani matusipallattarneq sila apeqqutaatiinnarlugulusooq pisartoq? Inuiaqatigiimmi sinneri aamma imigassartorpallaarnerup kingunerisaanik eqqornerlunneqartarput.

Erseqqissisillugu paasisariaqarparput imigassamik atuinerput iliorraap tungaanut nikikkiartuaarmat, naak ajornatrtorsiuataajunnaavinnissaanuut aqut suli ungasikkaluartoq. Kisianniuna aamma paasisariaqaripput imigassamik atuineq ilikkarneqarsinnaanngimmat matusipallattarnikkut. Matusigallartarnerit ilaqtariinnut atuisunut unikaallannermik anersaartoriusinnaasumik periarfissiisarpoq, tamassumalu ajornartorsiutit qiterpiaat tunngaviallu sunniuteqarfiginngilaat.

Oqaluuserineqarluarsinnaasut ilagivaat imigassaarniartarnerup piffissatigut killilersornera. Sooruna nalunaaqutaq ataasinngoraangat niuertarfinni pisisoqarsinnaanngitsoq, naak niuertarfiit ammasaraluartut. Taamatut killilersuineq imigassamik atuinikillisaanerua, imaluunniit siunertaqarani aalajangersagaannaava? Killilersuinerit niuernianut kigaallassaataavoq, imigassarsiniartuinnaanngitsoq. Eqqaamasariaqarpummi imerniartarfinni marloriaammik akiliilluni imigassarsisoqarsinnaammat, tamannalu aningaasarsiakinnerusunut sunniuteqarnerusaqimmat.

Imigassap aalakoornartup torersumik atortariaqarnera aatsaat TV aqutigalugu paasitit-siniutit saqqumminerulaalerpata paasisinnaavarput aammalu minnerunngitsumik meeqqat atuarfiani imigassamik aalakoornartortalinnik atuinerup navianaqutai sukumiinerusunik sammitinneqartalerpata.

Meeqqat atuarfiini meeqqat oqalliseqatigineqartassapput uteqqittarlugulu; imigassamik atorerluisuuneq sunaana?, suut atorerluilersimasut ajoqutigisarpaat? il.il.

Nalunngilara atuarfiit ilaanni apeqqutit tamakku eqqartortorneqartartut nuannertuarporlu tamakkuninnga



tusagaqartalerluni, naak suli tamanna akuttuallaaruartoq !